



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 20. Quid urgente S. Cyrillo Constantinopoli actum.

[urn:nbn:de:hbz:466:1-66052](https://nbn-resolving.de/urn:nbn:de:hbz:466:1-66052)

Sæculum V. formula Depositio Nestorii & dogmatur
A. C. 433. ejus condemnatio confirmabatur.

§. XX.

*Quid urgente S. Cyrillo Constantino
poli adsum.*

Ep. Epiph. Interim S. Cyrillus hanc causam Co-
Synod.c.203 stantinopoli per suos valide agebat
Præcipue urgebat, ut Aristolaus huic no-
gotio finem cito imponere juberetur, &
Joannes Antiochenus Nestorium rejice-
re. Hinc ad S. Pulcheriam, ad Paulum
Cubiculariis Præfectum, ad Romanum
Cubicularium, ad illustres fœminas Ma-
cellam, & Droseriam, Epistolas dedit, &
Benedictiones, id est, munera misit; ali-
quoque Præfecto, cui nomen Chrysoreto,
dona dedit, quod ipsum Ecclesiæ Bono
contrarium sciret; eundem per alios
duos Ministros, ad quos dona misit, sol-
licitari mandavit, ut a molitionibus im-
posterum abstineret. Hæc cognoscimus
ex Epistola Epiphanii, S. Cyrilli Archi-
diaconi, & Syncelli, ad Maximianum Con-
stantinopolitanum data, qua vehemen-
ter instat, ut ad maturandum hujus ne-
gotii exitum suis partibus non desit. Im-
peratricem Pulcheriam, inquit: supplex
roga, ut datis litteris ad Joannem for-
tissime urgeat, ne istius impii ultra men-
tio fiat; nempe Nestorii. Ad Aristolaum
etiam

etiam litteræ dentur, ut Joannem acrius ^{Sæculum V.}
urgeat. Roga Sanctum Abbatem Dal- A. C. 433.
matium, ut verbis, terrorem ferentibus,
Imperatorem, atque Cubicularios Pro-
ceres adjuret, ne ultra Nestorii nomen
memoretur. Roga etiam S. Virum Eu-
tichem, ut pro nobis decertet. (Is est,
quem posteriori tempore Ecclesia Hære-
siarcham damnavit) Epiphanius subjun-
git: *Ex adjuncto hic commentario dispi-
cies eorum nomina, quibus dona missa, &
quantum Ecclesia Alexandrina tibi præ-
stiterit; nam Clericos nostros non parum
affligit, Ecclesiam nostram ob has turbas
spoliari, & Comiti Ammonio mille quin-
gentas libras deberi, præter illa, quæ ex
bac urbe illuc missa. Eadem quoque per
litteras mandatum, ut Ecclesiæ vestrae
sumptibus dona ferat quibusdam, quos lu-
cri avidos noveritis, ne Ecclesia Alexan-
drina nimis ære alieno gravetur. Pul-
cheriam roga, ut curet Lausum in locum
Chrysoreti substitui, sicque ejus potentia
subruatur, quod nisi fiat, male semper ha-
bebimus.* Ex hac Epistola illarum rerum
partem, quæ Constantinopoli agebantur,
discimus.

Erant, qui ob transactionem inchoa-
tam murmurarent, & in vulgus sparge-
rent, S. Cyrillum articulos suos retra-
ctasse, & ea, quæ adversus Nestorium scri-
psisset, damnasse. Nam Nestoriani illi,

R 2

qui

Sæculum V. qui ad Ecclesiam redire cupiebant,
A.C. 433. hunc modum S. Cyrilli Epistolam ad Acacium Bereensem explicabant. Haec

*Epist. to. 5.
ap. Cyr. p.
152.* S. Cyrillum coegerunt, ut ad Presbyteros Theognostum, & Charmosynum, & ad Diaconum Leontium, suos Constantinopoli Apocrisarios, id est, Procuratores, qui suæ Ecclesiæ causas agerent, Epistolam daret; in ea ipsis omnia narrat quæ hucusque acta fuerant ab illo tempore,

Sup. n. 18. quo sibi Acacius Bereensis, ut amicæ compositioni aures daret, scripsisset. Ultima Epistolæ verba sunt: *Omnibus ergo banc de me suspicionem eximas. Non adeo imprudens sum, ut ea, quæ scripsi, non bematizem. Imo in eadem sententia persisto, quia bona est, atque Scriptura & Patrum nostrorum fidei consentanea.*

§. XXI.

Joannes Antiochenus reconciliatur.

*Conc. Ephes. C*essit tandem Joannes Antiochenus, *p. 3. c. 30.* ad S. Cyrillum dedit Epistolam, quæ dicit; se propter utilitatem Ecclesiæ, ut que Imperatoris voluntati pareret, Paulo Emeseno mandata dedisse, ut pacem iniret, & suo nomine traderet fidei expositionem, quam communī consilio concinnassent in hæc verba: *Quantum pertinet ad Virginem Mariam, Matrem Dei, & Incarnationis modum, quæ in mente habemus dicere tenemur, non ut, qualemun-*

qua